

Chjama di u castagnu

Da e radiche fonde
Sinu à tuccà cimali
Mi sentu sanguipestu
E'membrimaculatu
Eppuru nùn ti vogliu
Mandà à tribunali
Un si lampa ghjesteme
A chì hè statu ingannatu

Si tù fusse dispostu
A'sente a mo chjama
D'ogni cosa ch'accore
Un resterie in brama

Compia a diraschera
E' putatu u seccu
Torna appena d'amore
Cù a bella stagione
Pensa à fà pulizia
Di curtecce è pulescu
E'un teme penseri
Pè fretu o nivaghjoni

Un ti mancherà nunda
Nè legne nè ligname
Frutti ne lamperaghju
Da cacciatti ogni fame

Un pretendu eiu solu
Di merità a rima
A'l'alivu è l'aranciu
Lodali quant'è prima
Di a Corsica sana
Fattine un paradisu
D'accuncià i s'affari

Sinda à l'omu decisu

Un ti mancherà nunda
Nè legne nè ligname
Frutti ne lamperemu
Da cacciatti ogni fame.